

Lago preocupa cu prospectonan di mercadeo

PRIJSNAN DI PRODUCTIONAN PETROLERO MESTER CAMBIA ATROBE

ORANJESTAD(AAN)—Lago Oil And Transport Company a anuncia ayera cu e prijsnan cu departamento di asuntonan economico a publica recientemente pa productionan petroleo—cu ta un bon movicion den bon direccion—no ta yega na e margen requiri cu ta necesario pa un operacion viable di mercadeo na Aruba.

Segun Lago, desde cu e refineria a cera, Lago a importa productionan refina di buena fe y manera priminti, na gastonan mas halto, y tin biaha cu perdida, y a inverti 1.5 milyon dollar den facilidadnan pa cumpli cu necesidadnan di mercadeo local

Cualquier retraso mas ariba e margen di prijs cu ta requiri, lo forza Lago di reevalua su posicion relaciona cu presencia na Aruba di mercadeo ariba termino lago.

Lago a clarifica mas aleeuw cu inventario di productionan refina—cu nan tabata tin na man no tabata suficiente pa cum-

pli cu necesidadnan pa e siguiente seis lunanan, manera recientemente a ser raporta.

Demanda local y itinerario di navegacion ta requiri cu cierto productonan critico mester wordo importa un biaha pa luna.

Como un complicacion mas leeuw lago a splica cu Bestuurscollege di Aruba no a aproba permiso pa e compania nobo di mercadeo Esso Petrolera establece na Aruba.

Esaki lo trece cune un retraso den importacion di productionan refina di petroleo pa Aruba..

Segun Lago, Esso Petrolera lo ta e entidad responsabel pa mercadeo di productionan refina petroleo na Aruba. Petición pa establece e branch aki a ser haci apropiadamente for di dia 25 di januari e aña aki, y a ser spera cu pa dia 15 di maart lo a haya permiso.

A ser claramente indica cu Esso Petrolera mester cuminsa cu su operacion dia prome di april 85.

Diamars dia 2 di april lago a ser poni na altura

cu por lo pronto autoridadnan local lo no duna

permiso na Esso Petrolera.

BERDAD NUNCA A PER
JUDICA NINGUN HENDE
NINGUN CAUSA NI NIN
GUN NACION

Diario

DI ARUBA

Bo Matutino
Netamente Arubiano

DIAHUEBS 4 APRIL 1985 AÑA 4, No. 1289

TANQUERO NO POR DESCARGA PRODUCTIONAN PETROLERO PA ARUBA

ORANJESTAD(AAN)—E posibilidad ta grandi cu e tanquero cu e dlanan aki tin cu dreña waf na San Nicolas lo no por descarga e productionan cu el a bini cune pa Esso Petrolera ya cu e compania aki no ta estableci na Aruba, y ademas di esey por lo pronto gobierno di Aruba lo no duna permiso di establecimiento na e compania.

Lago ta masha preocupa pa e desarrollo actual relaciona cu mercadeo di productionan refina petroleo, manera nan a expresa ayera.

Nan tabata sigur tambe cu e compania nobo cu lo a opera ariba tereno di mercadeo na Aruba lo a haya su permiso for di mei mei di maart pa por a cuminsa operacionnan na cuminsamento di April.

Esso Petrolera tabata asina sigur cu su permiso lo ser aproba cu el a haci areglo pa importa un cargamento completo di productionan petroleo, incluso gasoil, pa yega Aruba den prome siman

di april.

Sin e permiso pa establece na Aruba e tanquero lo no por wordo descarga ya cu e productionan ta bini Aruba pa Esso Petrolera.

Lago a enfatiza cu e ta

spera cu asuntonan relaciona cu operacionnan di mercadeo na Aruba, sea door di Esso Petrolera of cualquier otro entidad, lo ser solucionado pronto, na beneficio di tur esnan concerni.

HOMBER HINCA CU CUCHIO AYERA


ORANJESTAD(AAN)—Ayera tardi na altura di Ayera tardi den vecindario di Aruba Palm Beach Hotel un homber a ser hinca cu cuchio pa un persona desconoci pa e victima.

Ora cu polis a yega na e sitio, nan a bin haya e homber tur na sanger den cura di e hotel. A resulta

cu e ta empleado di e hotel aki.

E victima, Ricardo L. a duna di conoce cu ta solamente pa cara e conoce e persona cu a hinke.

E hinca tabata na su barica, pero su condicion no ta grave, segun e informacionnan ricibi. E caso sinembargo ta ser investigado pa autoridadnan.



Un di e teatronan mas original, cultural di Aruba, Cer'i Noka a keda completamente resaura pa trahadornan di DOW. Teatro Cer'i Noka den pasado tabata un lugar favorito pa organisa actividadnan recreativo y cultural, pero pa motibo di circunstancianan, su estado a decai por completo. E aña aki Juventud 85 a bini cu e idea pa organisa un actividad ariba Diaviera Santo y a haya cooperacion di un equipo di DOW bao direccion di Ingeniero Gabby Werleman, pa haci e trabao di restauracion y limpieza. Gobierno ta spera cu e juventud y pueblo di Aruba en general lo sa di haci bon uso di e teatro cu a keda completamente restora. Tambe ta di spera cu e lo keda bon cuida y conserva, comoquiera cu ta trata di un atraccion pa e pueblo di Aruba.